



23-02-2023

UPA 2023/57

Inatsisartut suleriaasianni § 33 naapertorlugu aalajangiiffigisassatut siunnersuut ataani pineqartoq matumuuna Naalakkersuisunit saqqummiunneqarpoq:

Kunngaqarfiup Danmarkip Naalakkersuisut peqatigalugit Canadap naalakkersuisuinik ulloq 14. juni 2022-imi Kalaallit Nunaata Canadallu akornanni imaani killeqarfimmik nunamilu killeqarfimmik Kalaallit Nunaata isumaqatigiissuteqarnerata atuutsilersinnissaa pillugu Inatsisartut aalajangiiffigisassaattut siunnersuut.

(Nunanut Allanut, Inuussutissarsiornermut Niuernermullu Naalakkersuisoq)

Canadap Kalaallit Nunaatalu akornanni killeqarfik pillugu isumaqatigiissut, Canadami nunanut allanut tunngasunut ministerimit, Naalakkersuisut Siulittaasuannit aamma danskit nunanut allanut tunngasunut ministererisimasaannit atsiorneqartoq nunatsinni nunanut allanut tunngasunut ministerip Lars Løkke Rasmussenip Nunanut Allanut, Inuussutissarsiornermut Niuernermullu Naalakkersuisumut nunatsinni tunniummagu Siumumiik malinnaaffigaarput.

Qallunaat Nunaat, Kalaallit Nunaat kiisalu Canada, Tartupaluk aammalu killeqarfik pillugu ukiuni 50-imi aaqqiagiinngissutigereerlugu, nalliuttorsiorntumik pisoq ingerlanneqarmat pissusissamisoorpoq. Tassami suliaq ukiuni arlalinni malinnaaffigaarput matumanilu takutinneqarpoq eqqissisimasumik sakkut allallu atunngikkaluarlugit ataqqeqatigiittumik nunat qanitariit akornanni isumaqatigiittoqarsinnaasoq tamannalu pingaaruteqarluinnarpoq minnerunngitsumik naggueqatigiit akornanni. Tassami aamma imartarujussuaq pineqarpoq siunissami nunatsinnut iluaqutaasinnaasoq.

Siumumiik taamatut oqareerluta aammaarluta Naalakkersuisunut kaammattuutigissavarput suliaasaq tullegq tassaasariaqartoq, naggueqatigiit kalaallit aammalu Canadamiittut killilersorneqaratik imminnut tikeraarsinnaaleqqinnissaat.

Doris J. Jensen, Siumut